

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **ZAKLJUČAK**

**o odbacivanju Prijave namjere koncentracije privrednog subjekta Delta Maxi d.o.o. Banja  
Luka i C Market a.d. Banja Luka**

**Sarajevo**  
**Januar, 2009. godine**



**Broj: 01-02-26-047-6- II/08**  
**Sarajevo, 12.01.2009. godine**

Na osnovu čl. 25. stav (1) tačka e) i 42 tačka g), a u vezi sa članom 12. stav (1) Zakona o konkurenciji ("Službeni glasnik BiH", br. 48/05 i 76/07 ) i člana 116. stav (2) Zakona o upravnom postupku ("Službeni glasnik BiH", br. 29/02, 12/04 i 88/07), po Prijavi namjere koncentracije podnesenoj od strane privrednog subjekta „Delta Maxi“ Promet robom široke potrošnje d.o.o. Banja Luka, ulica Branka Popović 115, Banja Luka, Bosna i Hercegovina, zaprimljenoj dana 30.10.2008. godine pod brojem 01-02-26-047-II/08, Konkurencijsko vijeće na 80. (osamdesetoj) sjednici, održanoj dana 12.01.2009. godine, je donijelo

**Z A K L J U Č A K**  
**o odbacivanju Prijave namjere koncentracije**

1. Odbacuje se Prijava namjere koncentracije privrednog subjekta „Delta Maxi“ Promet robom široke potrošnje d.o.o. Banja Luka, ulica Branka Popović 115, Banja Luka, Bosna i Hercegovina radi nepostojanja koncentracije, u smislu člana 12. Zakona o konkurenciji.
2. Ovaj Zaključak bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

**O B R A Z L O Ž E N J E**

Konkurencijsko vijeće je dana 30.10.2008. godine zaprimilo pod brojem: 01-02-26-047-II/08, Prijavu namjere koncentracije (u daljem tekstu: Prijava) privrednog subjekta „Delta Maxi“ Promet robom široke potrošnje d.o.o. Banja Luka, ulica Branka Popović 115, Banja Luka, Bosna i Hercegovina (u daljem tekstu: Podnosilac Prijave ili Delta Maxi d.o.o. Banja Luka), kojom namjerava, kupovinom 100% dionica, steći kontrolu nad privrednim subjektom Trgovinsko akcionarsko društvo C Market a.d. Banja Luka, Trg Krajine 2, Banja Luka Bosna i Hercegovina (u daljem tekstu: C Market a.d. Banja Luka).

Uvidom u Prijavu utvrđeno je da podnosilac Prijave nije dostavio svu potrebnu dokumentaciju, te je Konkurencijsko vijeće u skladu s članom 30. Zakona o konkurenciji (u daljem tekstu: Zakon) i čl. 8. do 11. Odluke o načinu podnošenja prijave i kriteriji za ocjenu koncentracija privrednih subjekta („Službeni glasnik BiH“, broj 95/06) zatražilo dopunu Prijave podneskom broj: 01-02-26-047-1-II/08 od 07.11.2008. godine.

U skladu sa zahtjevom Konkurencijskog vijeća, Podnosilac Prijave je istu dopunio podneskom zaprimljenim pod brojem 01-02-26-047-2-II/08 od 17.11.2008. godine, čime je ispunio uslove za izdavanje Potvrde o urednoj i kompletnoj Prijavi, u smislu člana 30. stav (3) Zakona.

Slijedom navedenog, Konkurencijsko vijeće je Podnosiocu Prijave izdalo Potvrdu, dana 04.12.2008. godine broj 01-02-26-047-3-II/08, kojom potvrđuje podnesenu Prijavu urednom i kompletnom.

## **1. Privredni subjekt Delta Maxi d.o.o. Banja Luka**

Privredni subjekt „Delta Maxi“ Promet robom široke potrošnje d.o.o. Banja Luka, ulica Branka Popović 115, Banja Luka (u daljem tekstu: podnosilac Prijave ili Delta Maxi d.o.o. Banja Luka) je registrovan u Osnovnom sudu u Banja Luci dana 01.10.2007. godine pod registarskim brojem 071-0-REG-08-001369 i isti je pravni sljednik privrednog subjekta „Tropik Maloprodaja“ d.o.o. Banja Luka.

Osnovna djelatnost privrednog subjekta Delta Maxi d.o.o. Banja Luka je trgovina na malo i veliko robom široke potrošnje.

Privredni subjekt Delta Maxi d.o.o. Banja Luka je svojim poslovanjem prisutan na području Banja Luke, Prijedora, Novog Grada, Doboja, Jajca, Bijeljine i Prnjavora.

Ukupan godišnji prihod privrednog subjekta Delta Maxi d.o.o. Banja Luka u Bosni i Hercegovini na dan 31.12.2007. godine iznosi (..)\*\*<sup>1</sup> KM.

Privredni subjekt Delta Maxi d.o.o. Banja Luka je u 100% vlasništvu privrednog subjekta Delta Maxi d.o.o. Beograd Takovska 49, Beograd, Republika Srbija koji je registrovan u Agenciji za privredne registre Republike Srbije pod matičnim brojem 1756917.

Osnivač i vlasnik 100% udjela u privrednom subjektu Delta Maxi d.o.o. Beograd je privredni subjekt „Hemslade Trading Limited“, Nikozija, Kipar, sa registrovanim sjedištem na adresi Arch. Makariou III, 66, Kronos Court pod matičnim brojem HE 43226.

## **2. Privredni subjekt C Market a.d. Banja Luka**

Trgovinsko akcionarsko društvo C Market a.d. Banja Luka, Trg Krajine 2, Banja Luka Bosna i Hercegovina (u daljem tekstu: C Market a.d. Banja Luka) je registrovano u Osnovnom sudu u Banja Luci dana 12.09.2002. godine pod registarskim brojem 1-12692-00.

Osnovna djelatnost privrednog subjekta C Market a.d. Banja Luka je trgovina na malo i veliko robom široke potrošnje.

Ukupan godišnji prihod privrednog subjekta C Market a.d. Banja Luka u Bosni i Hercegovini na dan 31.12.2007. godine iznosi (..)\*\* KM.

Osnivač i vlasnik 100% udjela u privrednom subjektu C Market a.d. Banja Luka je privredni subjekt C Market a.d. Beograd, Čika Ljubina 9, Beograd, Republika Srbija koji je registrovan u Privrednom sudu Beograd pod registarskim brojem 1-2041-00 dana 30.08.2002. godine.

Vlasnik privrednog subjekta C Market a.d. Beograd je privredni subjekt Primer C d.o.o. Beograd. Privredni subjekt Primer C d.o.o. Beograd je u zajedničkom vlasništvu privrednog subjekta Novafin Luksembur sa 77,38% vlasničkog udjela i privrednog subjekta Delta Maxi d.o.o. Beograd sa 22,62% vlasničkog udjela.

---

<sup>1</sup> (..)\*\* podaci predstavljaju poslovnu tajnu

Privredni subjekti Novafin Luksemburg i Delta Maxi d.o.o. Beograd su u 100% vlasništvu privrednog subjekta „Hemslade Trading Limited“, Nikozija, Kipar.

### **3. Ocjena Prijave namjere koncentracije**

Dana 02.09.2008. godine zaključen je Ugovor o kupoprodaji akcija između privrednog subjekta C Market d.o.o. Beograd, kao prodavca i privrednog subjekta Delta Maxi d.o.o. Banja Luka, kao kupca.

Na osnovu Ugovora o kupoprodaji akcija privredni subjekt Delta Maxi d.o.o. Banja Luka je kupio 2553361 akcija (cjelokupan paket) privrednog subjekta C Market d.o.o. Banja Luka i time postao vlasnik istog sa 100% vlasničkog udjela.

Privredni subjekti Delta Maxi d.o.o. Banja Luka i C Market a.d. Banja Luka su u većinskom vlasništvu privrednog subjekta „Hemslade Trading Limited“, Nikozija, Kipar, te se u predmetnom slučaju radi o promjeni vlasničke strukture unutar povezanih privrednih subjekta, a ne o koncentraciji nezavisnih privrednih subjekta u smislu člana 12. Zakona o konkurenciji.

Iz naprijed navedenih razloga Konkurencijsko vijeće je odlučilo kao u dispozitivu ovog Zaključka.

### **4. Administrativna taksa**

Na ovaj Zaključak podnosilac Prijave, u skladu sa članom 2. tarifni broj 108. stav 1. pod c) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", broj 30/06), je obavezan platiti administrativnu taksu u iznosu od 1.000,00 KM u korist Budžeta institucija Bosne i Hercegovine.

### **5. Pouka o pravnom lijeku**

Protiv ovog Zaključka nije dopuštena žalba.

**Predsjednik**

**Ibrica Lakišić**